



**R. P. Sebastiani Izquierdo Alcarazensis Societ. Iesv Regii  
Senatvs S. Inqvisitionis Hispaniarvm Qualificatoris, Et  
Olim Complvti Sacræ Theologiæ Professoris. Opvs  
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

**Izquierdo, Sebastián**

**Romae, 1670**

Quæstio 1. Vtrum Deus cognoscat creaturas immediate, & in ipsis met.

---

[urn:nbn:de:hbz:466:1-77011](#)



DISPVTATIO 25.

De scientia, qua Deus cognoscit creaturas, & cætera extra se ipsum cognosci.

bilia.

**H**ec etiam disputatio præscindit à scientiâ Dei libera, & naturali eorum, quæ extra Deum possunt cognosci. De quibus prædictis etiam agit præscindendo ab eo, quod sint obiecta necessaria, vel contingentia, absoluta, aut conditionata.

QVAE STIO I.

Vtrum Deus cognoscat creaturas immediatè, & in ipsis met.

**I**D dicitur in se ipso immediatè cognosci, quod non solum per se terminat sui cognitionem, sed per se, & ratione sui ad illam determinat propriâ, quam habet, cognoscibilitate, seu obiectuâ veritate, ut supra disput. 23. quest. 7. & disput. 24. quest. 1. explicatum est. Scio, id etiam interdum solere dici in se ipso cognosci, quod secundum proprium, ac formale esse terminat cognitionem sui, nec solum secundum esse virtuale, quod dicitur habere in sua causa, reuerâ ab ipsa causa indistinctum. Quo pacto creaturae & in Deo cognosci dicuntur, quatenus sunt ipse Deus iuxta illud Ioan. 1. *Quod factum est, in ipso vita eras: & in se ipsis, quatenus esse proprium habent distinctum à Deo sive actualē, sive possibile.* Sed modò in priori phrasim procedimus, omissa posteriori, secundum quam etiam omne dubium est certum, Deum cognoscere creaturas in ipsis, hoc est, quoad proprium esse, quod habent extra Deum. De huiusmodi enim creaturem cognitione est dogma illud, quod disput. 23. quest. 1. proposit. 3. ex Scriptura, Patribus, & ratione statuimus tanquam fide certum, ac lumine naturali conspicuum, ut omnes Theologi fatentur. Quod dogma propterea modo supponimus. Deindeque querimus, an Deus, de quo modo dicto est certum omnes creaturem singulatim cognoscere, cognoscat eas in ipsis met iuxta priorem phrasim, hoc est, determinatus ab earum propriâ cognoscibilitate, sive obiectuâ veritate; vel tantum cognoscat in se ipso, nimirum à sola sui cognoscibilitate, sive obiectuâ veritate determinatus.

Aureolus in 1. distinct. 35. par. 2. artic. 2. 5. *Responsio ad ea, ita habet. Deus non intelligit creaturem terminatè, quod ipsa terminant intuitum diuinum, neque in esse reali, neque intentionali; sed alio terminante, videlicet diuinâ essentiâ, ipsa dicuntur determinatè intelligi.* Quibus verbis, & alijs similibus, quæ etiam artic. 1. habet, non solum negat, creaturem in se ipsis cognoscere à Deo, sed etiam, eas terminare Dei cognitionem; quod, saltem specie tenus, videtur es-

se, negare eas cognosci à Deo secundum proprium esse, quod habent. Quo circa sententia Aureoli male audit apud alios Theologos. Qui vnamiter assuerant, creaturem verè secundum proprium esse terminare Dei cognitionem, quia aliud non est eam secundum proprium esse terminare, quām per illam tangi, representari, arque cognosci secundum proprium esse. Quod, salua fide, negari non potest. Reiecta ergo sententia Aureoli, communis multorum Thomistarum sententia est, Deum cognoscere creaturem, non in ipsis ab ipsarum cognoscibiliitate determinatum, sed tantum in se ipso tanquam in causâ ad earum cognitionem determinante. Ita, Durandus, Capiculus, Caietanus, Bannez, Zumel, & alij, quos refert, & sequitur Ruiz disput. 10. de Scientiâ sect. 2. & disput. 11. sect. 3. Consentientque Molina 1. par. quest. 15. art. 6. disput. vnica, Valent punct. 3. Soar. lib. 2 de Atrib. cap. 2. Arrub. disput. 29. cap. 3. Gonz. disput. 37. sect. 2. Tann. disput. 2. quest. 8. dubit. 3. Fasol. 1. par. quest. 14. artic. 5. dubit. 1. & alij. Opposita tamen sententia est, Deum creaturem in ipsis met cognoscere à propriâ earum cognoscibiliitate, sive veritate obiectuâ determinatum. Tendent hanc sententiam Scot. in 1. distinct. 35. quest. vnica, Ocham. ibidem quest. 3. Greg. distinct. 36. quest. 1. Becan. 1. par. cap. 10. quest. 4. num. 4. Herice disput. 5. cap. 4. Albiz. disput. 5. de Scientiâ sect. 2. Sfort. lib. 1. num. 38. & 39. Raynaud. in Theolog. natur. distinct. 8. quest. 1. artic. 1. Ariag. disput. 19. sect. 4. Gasp. Hurt. disput. 3. de Scient. diff. 2. Monceus. disput. 3. Select. cap. 11. Martinon. disput. 10. de Deo sect. 1. Franc. de Lugo lib. 1. disput. 28. Ribas. disput. 4. cap. 3. Ribaden. disput. 9. de Scient. cap. 1. & alij Recentiores. Probabilemque reputat Soar. supra. Consentient etiam Vazq. 1. par. disput. 50. cap. 3. Arrub. supra & Alarc. tract. 2. disput. 2. cap. 3. & 5. quatenus censem, Deum creaturem cognoscere in ipsis met tanquam obiectum materialē, cuius formale est ipse Deus. Putant enim, et si in Deo nulla sit ratio, quæ vt medium prius cognitum ducat in cognitionem creaturem; diuinam tamen cognitionem idcirco esse creaturem cognitionem; quia est cognitio Dei; à quo vt ab obiecto formaliter habet esse infinitam, atque adeo cognoscitum ceterorum omnium cognoscibilium. Quo sensu etiam concedunt, Deum creaturem in se ipso cognoscere, non vt in medio determinante ad earum cognitionem; sed vt in obiecto formaliter illam specificante, & communicante infinitatem. Quanquam autem ex Auditoribus pro vtrâque sententiâ citatis multi videantur solum agere de creaturis possibilibus. Multi tamen etiam sunt, qui supponunt, aut exprimunt, se etiam de existentibus agere. Cum quibus etiam à nobis de vtrisque agendum est.

Propositio 1.

Deus creaturem omnes tam existentes, quām possibles cognoscit in ipsis met per actum scientiæ, ad quem ipsæ sola mouent, determinant ve intellectum diuinum eā, quam in se habent, cognoscibilitate, sive veritate obiectuâ; ipsæ que

que proinde solae sunt obiectum formale, sive motuum talis actus.

Ratio est efficax. Quia omnes creaturae per se, & ratione sui habent entitatem, sive essentiam propriam seu actualem, seu possibiliter distinctam a Deo. Ergo per se etiam habent propriam cognoscibilitatem, seu veritatem obiectum: que inseparabiliter comitatur quauis essentiam, sive entitatem. Ergo per se etiam vim habent mouendi, ac determinandi ad sui cognitionem intellectum Dei, ut potest quem nullum la veritas latere potest. Quod ipsum est, esse in se ipsis a Deo cognoscibles. Probo hanc consequentiam. Quia, quidquid per se, praescindendo ab alio quopiam, obiectum est verum; sicut per se potest terminare cognitionem veram; (id namque est esse verum); ita per se potest allucire, trahere, ac mouere ad sui cognitionem intellectum, alias cognoscitum omnis omnino veritatis, qualis est diuinus. Quod est, esse in se ipso a tali intellectu cognoscibile. Et confirmari potest primum; quia id ratione sui praesertim est verum, & consequenter cognoscibile, quod, si, ut modum est, permaneret, sublatum per impossibile quovis alio, tamen manaret verum, & cognoscibile. Sed ita se habet quavis creatura sive actualis, sive possibilis. Ergo. Probo minorem. Quia, si illa quoad suam intrinsecam entitatem permaneret, sublatum quovis alio, ut ponimus, non posset non esse vera, cognoscibilis nimirum per veram cognitionem, catu, quod daretur talis cognitionis. Secundum confirmatur; quia, dum creaturae cognoscuntur in alio, tanquam in medio secum conexo, idcirco illud ad eorum cognitionem determinat; quia esse illud sine illis, impossibile est. Sed multo est impossibilis, quod illa sint sine se ipsis. Ergo potiori iure valent illa ad sui cognitionem determinare. Quod ipsum est, eas in se ipsis cognoscibiles esse. Quod si creaturae in se ipsis sunt cognoscibiles, de facto dicenda sunt ita cognoscit a Deo. Quia ad perfectionem infinitam intellectus diuinus pertinet, cognoscere, quidquid est cognoscibile, omni modo, quo cognoscibile est: dummodo talis cognitionis nullam secum ferat imperfectionem: qualiter non ferre cognitionem creaturarum in se ipsis, ex solutione argumentorum, qua contra eam opponuntur, constabit. Iam vero, quod creaturae sola obiectum determinant ad aliquem actum scientiae diuinæ, quo cognoscuntur in se ipsis, qui determinet obiectum ad euidentem entitatem Dei; imo & ipsæ sola talis actus sumpti praesertim obiectum sunt: tum ex dictis disput. 23. quest. 4. & disput. 24. quest. 1. constat: tum inde comprobatur iterum: quia in huiusmodi actu nulla imperfectione cernitur, ut etiam constabit ex solutione argumentorum: nullusque actus intelligendi ab omni imperfectione immunitus negandus est Deo; prout dicta disput. 23. quest. 4. statutum est.

Obijicitur tamen primum contra propositionem. Deus comprehendit se. Ergo ex vi cognitionis sui cognoscit omnes creaturas. Quia de ratione comprehensionis Dei est, tangere ipsum Deum, & vi eius ut obiecti determinantur, quidquid ad ipsum extrinsecè pertinet, qualiter pertinent creaturae, ut dicebamus disput. 24. quest. vlt. Ergo Deus creaturas cognoscit in se ipso. Ergo non in ipsis met. Probatur haec consequentia. Quia inutilis, & ociosa esset secun-

da cognitionis: siquidem idem omnino cognoscere, ac prima. Concessio toto antecedente; nego ultimam consequentiam. Ad cuiusque probationem dico; plures actus cognitionis circa idem obiectum in Deo non esse superfluos, quando diverso modo illud tangunt, ut in praesenti accidit: quia Deus unumquodque cognoscit omnibus modis possibilibus, ac diversis, quibus illud est cognoscibile sine imperfectione: quam pluralitas actuum non arguit; vt ex doctrina, quam late dedimus disput. 23. quest. 4, sive citata liquidum est.

Secundum obijicitur. Si creaturae in se ipsas a Deo cognoscerentur, aliqua Dei cognitiones in se ipsis representantur ab eis dependeret in suo esse: quia non posset illas, illis sublatas, vere representare. Sed talis dependencia repugnat Deo. Ergo. Hoc argumentum omnem cognitionem diuinam iudicatam de creaturis quoad proprium earum esse impugnat contra dogma fidei supra statutum: quia qualiter debet esse necessaria representatio vera earum. Ex quo patet, illud contra nos nihil specialiter pressare. Repondeo ergo, scientiam quamlibet de creaturis quoad denominationem quidem ab ipsis creaturis pendere; secus vero quoad entitatem; ut late ostendimus tom. I. disput. 4. quest. 2. rursus supra disput. 23. quest. 9. repetiuimus. Quo incommode oponendum tollitur. Et sane dependentiam scientie iudicativa Dei ab obiecto suo quoad denominationem, qua Deum iudicantem illud denominat, & eiuldein independentiam quoad entitatem cum Deo ipso identificatam, a nemine negari posse respectu creaturarum aliquando existentium prout talium, indubitate prorsus est.

Tertiob obijicitur. Creaturae pure possibles non habent actu entitatem, sed possunt habere. Ergo neque habent actu veritatem obiectum, qua mouant actu intellectum Dei ad sui cognitionem, sed possunt habere. Ergo non cognoscuntur a Deo actualiter, sedum actualiter mouent ad sui cognitionem, sed possunt cognosci, & mouere, si existant. Omissa doctrina Recreatiorum a me impugnata in Pharo Scient. disput. 10. quest. 1. de identificatione cum Deo omnis veritatis necessaria, secundum quaprofecto male expeditus haec obiectio; (cum tamen omnes facili teneantur, cognosci a Deo creaturas pure possibles). Respondeo ex ibi dictis, creaturas pure possibles non habere actu existentiali entitatem, atque adeo nec veritatem existentialiem; habere tamen actu quiditatem entitatem, atque adeo & veritatem quiditatem, qua mouent actu intellectum Dei ad sui quiditatem cognitionem. De quo plura dicenda infra. disput. 26.

Quartob obijicitur ex Ruiz disput. 10. Creaturae non cognoscuntur per propriam speciem. Ergo neque in se ipsis. Consequentia constat. Quia solum cognoscit in se ipso, quod per propriam sui speciem cognoscitur. Antecedens probatur. Quia creaturae non imprimunt Deo speciem sui, ut patet: nec essentia Dei rationem habet propriæ speciei creaturarum: tum quia creaturae essent obiectum formale respectu talis speciei; quod repugnat: tum quia duplii speciei, & dupli cognitioni Dei, & creaturarum duplex Verbum productum correspondet: quod est absurdum. Respondeo, essentiam, seu potius intellectum diuinum instar speciei

riei propriæ creaturarum ad earum cognitionem conservare virtute, quam habet earum in ipsis met cognoscitum: tametsi non sit earum species, propriè loquendo, iuxta dicta disput. 23. quæst. 2. proposit. 4. Siquis autem formalitatem speciei intelligibili propriè dicit admittat in Deo, absque incommodo duplum admittere poterit; alteram respectu scientiæ, qua se Deus in se ipso cognoscit; alteram respectu scientiæ, qua cognoscit creaturas in ipsismet. Nec est incommunum, creaturas obiectum formale esse formalitatis scientiæ, qua in se cognoscuntur, ut mox dicam. Nec sequitur, esse duplex, aut multiplex Verbum iuxta scientiarum pluralitatem, etiæ ex eis omnibus procedat, quod est sub lите: quia Verbum non multiplicatur pro multitudine formalitatum multiplici scientiæ correspondentium, vt in tract. de Trinitate explicandum est. Alias ex scientiæ simplici, & visione, conditionata, & absoluta, quas nemmo non multiplicat, multiplex Verbum emanaret.

9 Quintò obijcitur. Si creature à Deo cognoscerentur in se ipsis, essent obiectum formale, motuum, ac specificatiuum talis cognitionis. Sed repugnat, perfectionem Dei infinitam, qualis est sua cognition, habere pro obiecto formal, motu, & specificatio aliquid creaturum. Ergo. Concessa maior; neganda est minor; de qua latè egimus supra disput. 23. quæst. 8. proposit. 2. vbi alia, qua hic obijci possent, dijuta sunt.

10 Sextò opponunt nobis S. Tho. I. par. quæst. 14. art. 5. vbi aperte pro sententiâ opposita stare videtur, dum ait, Deum alia à se non in ipsis vide, sed in se ipso, oportereque, ut ipsum, intelligere diuinum per aliud non specificetur, quam per essentiam diuinam. Respondeo S. Tho. quoad primum tantum velle, creature non intelligi per species ab eis peritas, sed per essentiam, eoque solum sensu afferere, eas non in se ipsis cognosci, sed in Deo, in quantum essentia eius continet similitudinem creaturarum, vt patet ex contextu; quod non tollit, eas in se ipsis cognosci, quo sensu nos loquimur. Quoad secundum autem S. Tho. agit de specificatione, influxua a formâ intrinsecâ proueniente, qualiter se gerit essentia Dei respectu cuiusvis actus scientiæ, non de specificatione extrinsecè terminatiua, qualem creature præstare possunt, ut etiam patet ex contextu. Videatur Heriz. e supra, & dicta à nobis disput. 23. quæst. 8. iam citata.

11 Denique opponitur D. Dionysius cap. 7. de Diuinis nominibus, vbi clare docet, Deum cognoscere creature non ex ipsis, sed ex se ipso, & in se, vt in causa. Tum, ea, quæ sunt, noscere, non tertum notitiæ, sed sui. Neque aliam quidem sui, aliam verò aliorum scientiam habere; sed uno causa complexu omnia leire. Sentit ergo Dionysius, Deum non in ipsis, sed in se tantum vt in causa cognoscere creature. Verba eius habes infra quæst. sequente. Respondeo, D. Dionysium docere quidem, Deum in se ipso creature cognoscere, vt nos etiam ostendimus quæst. sequente; non tamen negare, cognoscere eum etiam creature in ipsimet, vt modò contendimus; sed solum, nihil eum à creaturis per speciem ab eis acceptam didicisse; sed scientiæ anticipata, & à se præhabitæ eas cognoscere. Dicit enim ibidem. Neque enim ea, que

sunt, ex ipsis, quæ sunt, dicens nouit diuina mens; sed ex se, & in se, &c. Et paulò inferius. Eadem etiam causa una omnia vt à se profeta, & in se ante constantia cognoscet; neque ab his, quæ sunt, ipsorum notitiam accipiet. Vnde, cùm ait Dionysius, Deum cognoscere ea, quæ sunt, non rerum notitia, sed sui, illud non verum, non obiectu, sed efficiens debet sumi: quasi dicat, Deum res omnes per notitiam, non ex rebus ipsis partam, sed à se præhabitam cognoscere, ita explicat Ziparisiotus decade 8. Eodemque sensu negat Deo duas scientias, aliam sui, aliam creaturarum, idest, aliam, quam ipse sibi indiderit, aliam, quam à creaturis acceperit. Videatur Dionysius. Carthus. ad hunc D. Dionysij locum, quem etiam exponunt Vazq. Heriz. & alij supra relati.

### Propositio 2.

Deus diuersis modis, siue per diuersos actus cognoscit creature omnes in ipsomet.

Primum enim cognoscit illas per actum, ad quem ipsa sola determinant, & qui solas illas representant. Secundò cognoscit illas per actum, ad quem ipsa sola determinant, sed per quem Deus etiam cognoscit ex vi connexionis, quam creature habent cum ipso; atque ita est actus, quo & creature in se ipsis, & Deus in ipsis creaturis cognoscitur. Tertiò cognoscit illas per actum, ad quem tum creature determinant, tum etiam Deus; atque ita est actus, quo creature in se ipsis, & Deus in creaturis cognoscuntur, simulque Deus in se ipso cognoscitur, & creature in Deo. Quibus præterea tribus diuersis modis singulas creature, & singula eorum aggregata, cognoscit Deus in ipsomet. Idque tum quoad quiditatem, tum quoad existentiam aut absolutam, aut conditionatam. Præter alios actus, quos circa illas habet; ut ex dictis in precedentibus colligere est. Quos omnes actus scientiæ Dei, non solum per rationem nostram, sed virtualiter etiam esse inter se distinctos, ex doctrinâ traditâ supra disput. 23. quæst. 4. constat.

### QVAESTIO II.

An, & qua ratione cognoscat Deus creature in se ipso, in aliquavè formalitate sit, vt omnipotentiæ, scientiæ, ideâ, amore ipsarum creaturarum, &c.

Quæ sit cognitione unius ex alio, & quo differat à cognitione unius ex alio, sape in superioribus explicauimus. Vtramque tamen in presenti videntur confundere nonnulli ex Auctoriis referendis, dum aiunt, Deum cognoscere creature in se ipso tanquam in medio prius cognito, quasi cognitione de Deo prius concepta ad creature cognitionem determinet; quod est, loquendo propriè, creature non in Deo, sed ex Deo cognosci: nisi velint, Deum, non ex parte actus, sed ex parte obiecti dumtaxat esse prius